



Inatsisartut Suleriaasianni § 37, imm. 1 naapertorlugu Naalackersuisut imaattumik apeqquteqarfigaakka:

1. Naalackersuisut nassuerutigaat, innuttaasut Upernavimmi, Ummannami, Qaanaami, Tasiilami, Ittoqqortoormiini kiisalu nunaqarfinni isorliunerusunilu najugaqartut misigimmassuk Pilersuisumi nioqqutissat assigiinngisitaarnerat ima annikillisimatigisoq, allaat nalinginnaasumik pisariaqartinneqartut naammaginartumik matussuserneqarsinnaajunnaarsut, tamanna ajornartorsiutitut ilungersunartutut isigineqartariaqartoq?
2. Naalackersuisut isumaqarpat naapertuunnerusq innuttaasut sukkornermik nappaateqartut, allergeqartut, nerisassanik aalajangersimasunik sapigaqartut imaluunniit immikkut inuussutissarsiornikkut pisariaqartitsisut allat najugaqarnerminnik pissuteqartumik allanit ajornerusumik inissisimalissasut?
3. Naalackersuisut paasissutissiissutigisinnaavaat nioqqutissat suut ullumikkut nioqqutissat tungaviusut pillugit Pilersuisup pisiniarfiini sullissinissamik isumaqatigiisummut ilaatinneqartuni ilaappat, aammalu Naalackersuisut naliliinersut nioqqutissat taakku innuttaasut ullumikkut pisariaqartitaannut naapertuunnerusut?
4. Naalackersuisut paasissutissiissutigisinnaavaat KNI Pilersuisoq 2024-mi, 2025-mi aamma 2026-mi sullissinissamik isumaqatigiisummut ilaatinneqartuni nioqqutissanik annikillisaanersoq imaluunniit allanngortitsinersoq, taamatuttaaq nioqqutissat suut peerneqarsimanersut imaluunniit taarserneqarsimanersut, sumi najugaqarfinni tamanna pisimanersoq aammalu allannguutit taakku Namminersorlutik Oqartussanit akuersissutigineqarsimanersut?
5. Naalackersuisut suliniuteqassappat Pilersuisup pisiniarfiini nunaqarfinni isorliunerusunilu pisariaqartitanut pingaarutilinnut annertusisamik nioqqutissaqartitsisoqarnissaanik, taamaalillutik innuttaasut uppernarsarneqarsinnaasunik immikkut inuussutissarsiornikkut pisariaqartitsisut peqqissutsiminnut ulluinnarnullu pisariaqartitaminnik pissarsisinnaaqullugit?
6. Naalackersuisut eqqumaffigaat ajornartorsiut suli ilungersunarnerulersartoq, innuttaasut nunaqarfinni isorliunerusunilu amerlasuut ilutigalugu pinngortitamit peqqinnartunik



inuussutissanik ilassuteqartarnissamut periarfissatik ajorseriarnerarlugit misigimmata, piniarnermut aammalu sumiiffinni nammineq pilersornissamut periarfissanut killilersuutit tamanna ajornakusoortimmassuk?

7. Naalakkersuisut isumaqarpat naapertuunnerusq innuttaasut nunaqarfinni isorliunerusuni najugaqartut marloriarlutik eqqorneqassasut, tassa pisiniarfinni nioqqutissat ikinnerulernerisigut aammalu ilutigalugu pinngortitamit ileqquusunik peqqinnartunillu inuussutissanik pissarsinissaminnut periarfissatik ajornarnerulernerisigut?
8. Naalakkersuisut ajornartorsiummut matumunnga aalajangersimasumik aaqqiissutissarsiornermi ikiuunnissaminnut piareersimappat, soorlu pisariaqartitanut pingaarutilinnut annertusisamik nioqqutissaqartitsinikkut, immikkut nioqqutissanik piniarnissamut aaqqissuussinikkut imaluunniit allatigut iliuseqarnikkut, innuttaasut pisariaqartitaminnik inuussutissanik pissarsiniarlutik najugaqarfigisaminnit nuuttariaqaqqunagit?

(Inatsisartunut ilaasortaq Jens NapâtôK`, Naleraq)

Tunngavilersuut

Naleraq-mut matumani pineqaranngilaq ilorrisimaarneruneq imaluunniit immikkut kiffartuunneqarnissaq. Pineqarpoq innuttaasut peqqissusaat, ataqqinassusaat aammalu najugaqarfigisaminniiginnarsinnaanerat.

Nunaqarfinni isorliunerusunilu amerlasuuni Pilersuisoq tassaavoq ulluinnarni nioqqutissanik pissarsiffissatut periarfissaq pingaarneq imaluunniit kisiartaasoq. Nioqqutissat assigiinngisitaanerat annikilligaangat tamanna immikkut eqquinerpaasarpoq innuttaasut sukkornermik nappaateqartut, allergeqartut, nerisassanik aalajangersimasunik sapigaqartut imaluunniit allat immikkut inuussutissarsiornikkut pisariaqartitsisut, taakkumi “suna pigineqarnerusoq” kisiat tunngavigalugu nerisaqarsinnaanngimmata.

Ajornartorsiut aamma ilungersunarnerulersarpoq, innuttaasut amerlasuut misigimmassuk pinngortitamit inuussutissanik ilassuteqartarnissamut periarfissat ajornarnerulersut. Taamaattumik



pisiniarfimmi nioqutissat ikinnerulerpata aammalu nammineq pilersorneq pinngortitami killilersorneqalerpat, innuttaasut nunaqarfinni isorliunerusunilu marloriarlutik eqqorneqartarput.

Inuit nunaqarfinni isorliunerusunilu najugaqartut pisariaqartitaminnik inuussutissanik pissarsiniarlutik nunagisaminnit nuunnissamut tatineqarpata, tamanna nioqutissanik pilersuineq pillugu ajornartorsiut kisiatannilaq. Tamanna tassaavoq naalackersuinikkut sumiginnaaneq.

Nunami tamarmi inuuneq ingerlaannassasoq oqaatigineqassappat, taava aamma akisussaaffik tiguneqassaaq innuttaasut nunatsinni sumiikkaluarunilluunniit pisariaqartitaminnik inuussutissanik pissarsisinnaanissaat aammalu nammineq pilersornissamut naammaginartunik periarfissaqarnissaat pillugit. Taamaangippat oqariartuutit oqimaaqatigiinneq ataatsimoorussinerlu pillugit imaarutissapput.

Siusinnerusukkut inuit minnerpaamik pinngortitami inuussutissanik ilassutissarsisinnaapput. Maanna innuttaasut pisiniarfimmi aamma pinngortitami killilersorneqarput. Tamanna tassaava Naalackersuisunut nunaqarfiit isorliunerusut pillugit politikkaa?

Apeqqutit allakkatigut akineqarnissaat piumasarineqarpoq suliffiusut qulit (10) iluanni. Nutserinermut atatillugu nalornisoortoqassappat kalaallisoortumik allataq tunngavigineqassaaq.